

## **B8. Sicrhau cydymffurfiad â gofynion cyfreithiol, rheoliadol, moesegol a chymdeithasol**

### **Crynodeb o'r Uned**

#### **Beth yw cwmpas yr uned?**

Mae'n rhaid i sefydliadau ddangos eu bod yn gweithredu'n gyfrifol mewn perthynas â'u staff, eu cwsmeriaid, eu buddsoddwyr a'r cymunedau y maen nhw'n gweithio ynddyn nhw. Mae'n rhaid i bob math o sefydliad ufuddhau i'r gyfraith mewn meysydd allweddol fel iechyd a diogelwch, cyflogaeth, cyllid a chyfraith cwmnïau. Hefyd, mae'n rhaid i lawer o sefydliadau weithio o fewn rheoliadau penodol ar gyfer eu diwydiant a fframweithiau moesegol. Mae'n rhaid i sefydliadau sydd am gadw enw da hefyd ystyried barn pobl yn eu cymunedau ar amrywiaeth eang o faterion fel yr amgylchedd a ffyrdd eraill y gall y sefydliad effeithio ar ansawdd bywyd pobl.

#### **Ar gyfer pwy mae'r uned?**

Argymhellir yr uned ar gyfer rheolwyr canol ac uwch reolwyr.

#### **Cysylltiadau ag unedau eraill**

Mae gan yr uned hon gysylltiadau ag unedau eraill yng nghyfres gyffredinol y Safonau Galwedigaethol Cenedlaethol ar gyfer rheolaeth ac arweinyddiaeth lle mae'n bosibl ei bod yn ofynnol cydymffurfio â gofynion cyfreithiol, rheoliadol, moesegol a chymdeithasol.

#### **Sgiliau**

Isod rhestrir y prif 'sgiliau' generig y mae angen eu defnyddio wrth sicrhau cydymffurfiad â gofynion cyfreithiol, rheoliadol, moesegol a chymdeithasol. Mae cynnwys manwl yr uned yn nodi'n benodol/yn awgrymu'r sgiliau hyn, ac maent wedi'u rhestru yma fel gwybodaeth ychwanegol.

- Rheoli gwybodaeth
- Cyfathrebu
- Cynnwys pobl eraill
- Dadansoddi
- Monitro
- Asesu
- Cymell
- Gwneud penderfyniadau
- Adrodd
- Rheoli risg
- Gwerthfawrogi a chefnogi pobl eraill
- Cyflwyno gwybodaeth
- Arweinyddiaeth

## **B8. Sicrhau cydymffurfiad â gofynion cyfreithiol, rheoliadol, moesegol a chymdeithasol**

### **Canlyniadau perfformiad effeithiol**

Mae'n rhaid i chi allu gwneud y pethau canlynol:

1. Monitro'r gofynion cyfreithiol, rheoliadol, moesegol a chymdeithasol perthnasol, a'u heffaith ar faes eich cyfrifoldeb, gan gynnwys beth fydd yn digwydd os na fyddwch yn eu bodloni.
2. Datblygu polisiau a gweithdrefnau effeithiol i sicrhau bod eich sefydliad yn bodloni'r holl ofynion angenrheidiol.
3. Sicrhau bod y bobl berthnasol yn deall yn eglur y polisiau a'r gweithdrefnau, a phwysigrwydd eu rhoi ar waith.
4. Monitro'r ffordd y bydd polisiau a gweithdrefnau'n cael eu rhoi ar waith, a darparu cefnogaeth.
5. Annog hinsawdd o ddidwylledd ynglyn â bodloni neu beidio â bodloni'r gofynion.
6. Nodi a chywiro unrhyw fethiannau i fodloni'r gofynion.
7. Nodi rhesymau dros beidio â bodloni gofynion, ac addasu'r polisiau a'r gweithdrefnau er mwyn lleihau'r tebygrwydd o fethiannau yn y dyfodol.
8. Darparu adroddiadau llawn i'r budd-ddeiliaid perthnasol ar unrhyw fethiannau i fodloni'r gofynion.

### **Ymddygiad wrth wraidd perfformiad effeithiol**

1. Byddwch yn adnabod newidiadau mewn amgylchiadau yn ddiymdroi ac yn addasu cynlluniau a gweithgareddau yn unol â hynny.
2. Byddwch yn sicrhau bod amser ar gael i gefnogi eraill.
3. Byddwch yn rhoi adborth i eraill i'w helpu i wella'u perfformiad.
4. Byddwch yn nodi ac yn codi pryderon sy'n ymwneud â moeseg.
5. Byddwch yn effro i risgiau posibl.
6. Byddwch yn sicrhau bod gwybodaeth briodol ar gael yn ddiymdroi i'r rheiny y mae ei hangen arnyn nhw ac sydd â hawl i'w chael.
7. Byddwch yn annog eraill i rannu gwybodaeth o fewn cyfyngiadau cyfrinachedd.
8. Byddwch yn sensitif i anghenion budd-ddeiliaid ac yn rheoli'r rhain yn effeithiol.

## **B8. Sicrhau cydymffurfiad â gofynion cyfreithiol, rheoliadol, moesegol a chymdeithasol**

### **Gwybodaeth a dealltwriaeth**

Mae angen i chi wybod a deall y pethau canlynol:

#### **Gwybodaeth gyffredinol a dealltwriaeth**

1. Pwysigrwydd trin y drefn lywodraethol mewn modd moesegol sy'n ystyried gwerth, a sut i roi hyn ar waith
2. Gofynion cyfreithiol perthnasol sy'n llywodraethu'r modd o redeg sefydliadau
3. Agweddau cymdeithasol cyfredol, a'r rhai sy'n dod i'r amlwg, tuag at reolaeth ac arfer arweinyddiaeth, a phwysigrwydd bod yn sensitif i'r rhain

#### **Gwybodaeth a dealltwriaeth sy'n benodol i ddiwydiant/sector**

1. Gofynion cyfreithiol, rheoliadol a moesegol yn eich sector
2. Gweithdrefnau i'w dilyn os na fyddwch yn bodloni'r gofynion
3. Pryderon a disgwyliadau cymdeithasol cyfredol penodol, a'r rhai sy'n dod i'r amlwg, sy'n berthnasol i'ch sector
4. Dulliau sefydliadau eraill o ddelio â phryderon a disgwyliadau cymdeithasol cyfredol, a'r rhai sy'n dod i'r amlwg

#### **Gwybodaeth a dealltwriaeth sy'n benodol i'r cyd-destun**

1. Diwylliant a gwerthoedd eich sefydliad a'u heffaith ar y drefn lywodraethol gorfforaethol
2. Polisiâu a gweithdrefnau sy'n sicrhau bod pobl yn bodloni gofynion
3. Y prosesau ar gyfer cynnal y polisiâu a'r gweithdrefnau perthnasol a sicrhau eu bod yn parhau i fod yn effeithiol
4. Y gwahanol ffyrdd y gallai pobl fethu â bodloni'r gofynion, a'r risg y bydd y rhain yn digwydd mewn gwirionedd
5. Y gweithdrefnau ar gyfer delio â phobl nad ydyn nhw'n bodloni'r gofynion, gan gynnwys gofynion ar gyfer hysbysu rhywun am hyn